

Augsburg, 4. Oktober 1576

An Adolph Occo III.

Druck: Doctrina recte vivendi, Basel 1577, S. 345f.

D. ADOLPHO OC-  
CONI, EK ΤΡΙΓΟΝΙΑΣ,  
ιατρῷ,  
Anonymous S. D.

Libellis superioribus etiam Axiochum, cuiuscunque ille autoris sit, adjiciendum esse censui: propter et argumenti similitudinem, et rationum dissimilitudinem: nihil quinque interpretum conuersionibus deterritus, quas facilè patior et cum Graeco exemplari, et cum meo conatu, à candidis et eruditis conferri, et corrigi, ubi opus uidebitur. Sententiae veritatem ego in interpretando spectare soleo: ut ne quid addam, ne quid detrahamb: ut nihil immutem: ut uerba (ubi fieri potest) annumerem: ubi verò mutatio requiritur, sententiam bona fide ut appendam: Ampullas verò et sesquipedalia verba, ijs relinqu libens, qui crimen falsi non reformidant, in peruerterendis, aliàs ex inscitia, aliàs per ostentationem et affectationem, Graecis autoribus. Et si autem alijs et solatijs et praesidijs nostra niti nos docet religio: quid tamen uetat profanorum etiam hominum de morte cogitationes, velut obiter aspicere? cum praesertim plus de altera uita eos cogitasse appareat, quàm nunc plerosque pseudochristianos. Quò libentius autem in hoc arguento uerser, et aetas mea facit:

Τὸν ἐμὸν γὰρ αὐτοῦ τοῦ ταλαιπώρου σχεδὸν

Ἡδη νομίζων ἔκτετοξεῦσθαι βίον·

et funera intra paucos annos eorum ferè omnium, qui et propinquitate et amore mutuo coniuncti mihi fuerunt. Eandem fortunam et tu expertus es: non ita pridem et vtroque parente et uxore et filiolo amissis, vel praemissis potius. Faxit Jesus Christus, seruator noster, ut, cum illius prouidentiae visum fuerit, beata cum illis immortalitate aeternū perfruamur: tolerantes interim aequis animis, quae tollere non possumus.

οὐλέ τε καὶ χαῖρε διοτρεφές. Augustae Vindelicorum, 4. Nonas Octobris, ἐξ ιθάκης ἡνεμοέσσης. Anno restituae humano generi salutis. M. D. LXXVI.